

Hochschule für Musik und Tanz Köln - Hochschulbibliothek

Officium in sabbato sancto

s.l.

Ad Completorium.

[urn:nbn:de:hbz:kn38-8204](https://nbn-resolving.org/urn:nbn:de:hbz:kn38-8204)

Et repetitur Antiphona. Véspere autem.

Deinde *ŷ.* Dóminus vobíscum.

Rj. Et cum spírítu tuo.

Orémus.

Oratio.

SPIRITUM nobis, Dómine, tuæ caritátis in-
sfúnde: ut quos sacraméntis paschálibus
satiásti, tua fácias pietáte concórdes. Per
Dóminum nostrum Jesum Christum Fílium
tuum, qui tecum vivit et regnat in unitáte
Spírítus sancti Deus, per ómnia sæcula sæ-
culórum.

Rj. Amen.

ŷ. Dóminus vobíscum.

Rj. Et cum spírítu tuo.

ŷ. Benedicámus Dómino, allelúja, al-
lelúja.

Rj. Deo grátias, allelúja, allelúja.

Deinde additur, Pater noster, **et nihil aliud.**

AD COMPLETORIUM.

Lector incipit *ŷ.* Jube, domne, benedicere.

Benedictio. Noctem quiétam, et finem
perféctum concédát nobis Dóminus omni-
potens. *Rj.* Amen.

Lectio brevis. 1. Petri 5. c.

FRATRES, Sóbrii estóte, et vigiláte: quia adversárius vester diábolus, tamquam leo rúgiens, círcuit, quærens quem dévo-
ret: cui resistite fortes in fide. Tu autem,
Dómine, miserére nobis.

R. Deo grátias.

V. Adjutórium nostrum in nómine Dó-
mini.

R. Qui fecit cælum et terram.

Pater noster *dicitur totum secreto.*

Hebdomadarius facit Confessionem.

CONFITEOR Deo omnipoténti, beátæ Mariæ
semper vírgini, beáto Michaéli archánge-
lo, beáto Joánni Baptistæ, sanctis apóstolis
Petro et Páulo, ómnibus sanctis, et vobis,
fratres, quia peccávi nimis cogitatióne, ver-
bo et ópere: mea culpa, mea culpa, mea
máxima culpa. Ideo p̄cor beátam Mariám
semper vírginem, beátum Michaélem ar-
chángelem, beátum Joánnem Baptistam,
sanctos apóstolos Petrum et Páulum, omnes
sanctos, et vos, fratres, oráre pro me ad
Dóminum Deum nostrum.

Chorus respondet: Misereátur tui omnípo-

tens Deus, et dimíssis peccátiis tuis perdúcat te ad vitam ætérnam.

R). Amen.

Deinde repetit Confessionem, et ubi dicitur, vobis fratres, et vos fratres, dicatur tibi pater, et te pater.

Facta Confessione a Choro Hebdomadarius dicit:

MISEREATUR vestri omnipotens Deus, et dimíssis peccátiis vestris, perdúcat vos ad vitam ætérnam. R). Amen.

INDULGENTIAM, absolutiónem, et remissionem peccatórum nostrórum tríbuat nobis omnipotens et miséricors Dóminus. R). Amen.

V). Convérte nos, Deus salutáris noster.

R). Et avérte iram tuam a nobis.

V). Deus, in adjutórium meum inténde.

R). Dómine, ad adjuvándum me festína.

V). Glória Patri. Sicut erat. Allelúja

Deinde absolute inchoatur Psalmus.

PSALMUS 4.

CUM invocárem exaudivit me Deus justitiæ meæ: * in tribulatióne dilatásti mihi. Miserére mei, * et exáudi oratióne meam. Filii hóminum usquequó gravi corde? *

ut quid diligitis vanitatem, et quæritis mendacium?

Et scitote quoniam mirificavit Dominus sanctum suum: * Dominus exaudiet me cum clamavero ad eum.

Irascimini, et nolite peccare: * quæ dicitis in cordibus vestris, in cubilibus vestris compungimini.

Sacrificate sacrificium justitiæ, et sperate in Domino: * multi dicunt: Quis ostendit nobis bona?

Signatum est super nos lumen vultus tui, Domine: * dedisti lætitiã in corde meo.

A fructu frumenti, vini, et olei sui, * multiplicati sunt.

In pace in idipsum * dormiam, et requiescam:

Quoniam tu Domine singulariter in spe* constituisti me. Glória Patri.

PSALMUS 30.

IN te, Domine, speravi, non confundar in lætèrnum: * in justitia tua libera me.

Inclina ad me aurem tuam, * accelera ut eruas me.

Esto mihi in Deum protectórem, et in domum refúgii; * ut salvum me fácias.

Quóniam fortitúdo mea, et refúgium meum es tu: * et propter nomen tuum dedúces me, et enútries me.

Educes me de láqueo hoc, quem absconderunt mihi: * quóniam tu es protector meus.

In manus tuas comméndo spíritum meum: * redemísti me, Dómine Deus veritátis. Glória.

PSALMUS 90.

QUI hábitat in adjutório Altíssimi, * in protectione Dei cæli commorábitur.

Dicet Dómino: Suscéptor meus es tu, et refúgium meum: * Deus meus, sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi: * et sub pennis ejus sperábis.

Scuto circúmdabit te véritas ejus: * non timébis a timóre noctúrno.

A sagítta volante in die, a negótio ambulánte in ténebris: * ab incúrsu, et dæmónio meridiáno.

Cadent a látere tuo mille, et decem

míllia a dextris tuis: * ad te autem non appropinquábit.

Verúmtamen óculis tuis considerábis: * et retributiómem peccatórum vidébis.

Quóniam tu es, Dómine, spes mea: * Altíssimum posuisti refúgium tuum.

Non accédet ad te malum: * et flagéllum non appropinquábit tabernáculo tuo.

Quóniam ángelis suis mandávit de te: * ut custódiat te in ómnibus viis tuis.

In mánibus portábunt te: * ne forte oféndas ad lápidem pedem tuum.

Super áspidem et basilíscum ambulábis: * et conculcábis leónem et draconem.

Quóniam in me sperávit, liberábo eum: * prótegam eum, quóniam cognóvit nomen meum.

Clamábit ad me, et ego exáudiam eum: * cum ipso sum in tribulatióne: erípiam eum, et glorificábo eum.

Longitúdine diérum replébo eum: * et osténdam illi salutáre meum. Glória.

PSALMUS 133.

ECCE nunc benedícite Dóminum, * omnes Eservi Dómini:

Qui statis in domo Dómini: * in átriis domus Dei nostri.

In nóctibus extóllite manus vestras in sancta, * et benedicite Dóminum.

Benedícat te Dóminus ex Sion, * qui fecit cælum et terram. Glória Patri.

Hymnus, Capitulum, et rj. breve non dicuntur.

Antiph. Véspere autem sábbati.

CANTICUM SIMEONIS.

Luc. 2. c.

NUNC dimíttis servum tuum, Dómine, * scúndum verbum tuum in pace.

Quia vidérunt óculi mei * salutáre tuum.

Quod parásti * ante fáciem ómnium populórum.

Lumen ad revelatióem géntium, * et glóriam plebis tuæ, Israel.

Glória Patri, et Fílio.

Antiph. Véspere autem sábbati, quæ lucescit in prima sábbati, venit María Magdaléne, et áltera María, vidére sepúlchrum, Allelúja.

vj. Dóminus vobíscum.

rj. Et cum spírítu tuo.

Orémus.

Oratio.

VISITA, quæsumus Dómine, habitatióne[m] istam, et omnes insídias inimíci ab ea longe repélle: ángeli tui sancti hábitent in ea, qui nos in pace custódiant, et benedictio tua sit super nos semper. Per Dóminum nostrum Jesum Christum Fílium tuum, qui tecum vivit et regnat in unitáte Spíritus sancti Deus per ómnia sæcula sæculórum.

R). Amen.

V). Dóminus vobíscum.

R). Et cum spírítu tuo.

V). Benedicámus Dómino.

R). Deo grátias.

Benedictio. Benedícat, et custódiat nos omnípotens et miséricors Dóminus, Pater, et Fílius, et Spíritus sanctus.

R). Amen.

Antiphona.

REGINA cæli lætare, allelúja.

Quia quem meruísti portare, allelúja.

Resurréxit sicut dixit, allelúja.

Ora pro nobis Deum, allelúja.

V). Gáude et lætare, virgo María, allelúja.

R). Quia surréxit Dóminus vere, allelúja.

Orémus.

Oratio.

DEUS, qui per resurrectionem Filii tui
Dómini nostri Jesu Christi, mundum
lætificáre dignátus es: præsta quæsumus;
ut per ejus genitricem vírginem Mariám,
perpétuæ capiámus gáudia vitæ. Per eúm-
dem Christum Dóminum nostrum.

R). Amen.

V). Divínium auxiliúm máneat semper no-
biscum.

R). Amen.

Deinde dicitur secreto Pater noster, Ave
María, et Credo.

Et non flectuntur genua toto tempore
Paschali.



